

**SESSIONI URDINARIA DI U 2025**

**RIUNIONI DI U 3 Dicembri di u 2025**

**N° 2025-M4-22**

**QUISTIONI URALI DIPUSITATA DA PAULE DELCROIX PÀ U GRUPPU  
« SCELTA PATRIOTTA »**

**Ughjettu : Assenza di suluzione lucale per ghjente svantaghjati.**

**Signora cunsigliera asicutiva in carica di u suciali, di a saluta è di a lotta antivetturale**

Pigliu a parolla oghje per ricordà una realtà chì troppu famiglie corse campanu ogni ghjornu : a Corsica manca in modu criticu di strutture adattate per accumpagnà e persone in situazione d'handicap, sia fisicu sia mentale. Stu deficit, chì dura dapoi anni è anni, pesa nant' à a nostra sucetà è tocca i più vulnerabili.

In l'assenza di centri specializzati, e famiglie ùn anu spessu altru scelta chè di tene i parenti in casa. Ùn sò micca assistenti professionali, ùn l'anu mai dumandatu, ma ci sò custrette. Si ritrovanu sole à assicurà un accumpagnamentu cutidianu pesante, cumplicatu, è straziante, senza furmazione, senza sollevu, spessu senza sustegnu veru. È quandu a stanchezza diventa insupportabile, ùn ferma chè una suluzione : rassegnassi à un'ospedalizzazione in u cuntinente. Ma quessa ùn hè una suluzione – nè per a persona in situazione d'handicap, nè per a famiglia chì si ritrova strappata, isolata è senza mezu d'agisce.

Parlemu di situazioni umane di una difficoltà tremenda : famiglie à l'estremu, associi chì facenu ciò ch'elli ponu, è un viotu medico-suciale ch'ùn pò più esse accettatu. L'aiuti finanziari ùn bastanu micca è ùn pudaranu mai rimpiazzà a necessità vitale di strutture adattate in l'isula. Oghje, ùn hè più un bisognu : hè una urgenza.

Hè per quessa ch'ella ci vole à fà di stu prublema una vera priorità publica, cullettiva è assunta.

È dunque pongu sta dumanda : cumu si pò spiegà chì a Corsica sia sempre senza strutture adattate per e persone in situazione d'handicap, è chì misure immediate à u Statu è a Cullettività li tocc'à piglià per rimedià à sta mancanza ?

À ringrazià vi